



392901  
392926

St. Dr.





2527 III. 5. 17



Ex-Libris  
PODHORCE

AORT. GRY




392901

392926

Mag. St. Dr. III

1041







2

1771

1771



FRUCTUS  
MERITORVM  
HONOR,  
EX AVITIS OLIM GERALDORVM POMIS  
PRAESAGUS.

Nunc verò  
ILLVSTRISSIMO  
EXCELLENTISSIMO

<sup>ac</sup>  
REVERENDISSIMO DOMINO,  
D. NICOLAO MICHAELI  
IN WYZYCE

GERALDO  
WYZYCKI

Dei & Apostolicæ Sedis Gratiâ  
EPISCOPO CHELMENSI,  
ABBATI CZERVENENSI, PRÆPOSITO MSTOVIENSI,  
CONSECRATVS.  
IN FESTIVO TVTELARIS SVI DIE

<sup>PER</sup>  
Devotissimum Wyzycciano Nomini  
Collegium Cheimense Scholarum Piarum  
Panegyrica Veneratione  
ADORNATVS.

*Anno Virginalis Uteri Germinantis Fructum Vita*

1699.

ZAMOSCIJ TYPIS UNIVERSITATIS.



24

<sup>f N</sup>  
GENTILITIVM INSIGNE  
ILLVSTRISSIMI  
EXCELLENTISSIMI  
<sup>Ac</sup>  
REVERENDISSIMI  
ANTISTITIS.

I.

Quæ pyrus? aut citrio tã felix cortice pomũ?  
Vt possit lapidos semper habere bolos.  
Punica Wyzyciæ fortunatissima Stirpis  
Mala, quòd ad placidos sint generata cibos.  
Qvãquã nō cuivis: Patriæ medicina; sed hostes  
Eiusdem sumunt inde venena sibi.

392925  
<sup>in</sup> II.

Et cedros Libani consumit longa vetustas;  
Tempus edax rodit robora dente suo;  
Sed Crucis arbor erit per tot durabilis annos  
Nomina quot poterit ferre Geralda Domus.



*Ad*  
ILLUSTRISSIMUM EXCELLENTISSIMUM  
&  
REVERENDISSIMUM.

## ANTISTITEM.



**A**D purpureum Præfuleæ Dignitatis  
muricem non erubescimus in pallē-  
te folio fructus oculis, & manibus  
Tuis in devinctum munus præsentare  
ANTISTES ILLUSTRISIME. Ar-  
boreo tantummodò partui has rerum vicissi-  
tudines natura indidit, ut ad Novembrales ad-  
huc Kalendas ejusmodi destitueretur appara-  
tu, nobis vel intra sævientes Decembris algo-  
res & folia, & fructus maturescere non est  
extra sortem, ipsâ Tuâ REVERENDISSI-  
ME PRÆSVL Illustrissima Stirpe fertilius  
ad hoc felicitatis incrementū cooperante. Nō  
enim adscititium quidpiam Tuis præsentatur  
obtutibus; nihil alienum Pastorali panditur di-  
gnitati, verum Tuorum Meritorum adulti fru-  
ctus in præmium emeritissimæ dexteræ desti-  
nantur. Equidem pridem hæc Tuo Nomini  
debeatur merces, conveniebat ad primum sta-  
tim Infulati Honoris motū nostram quoq; tri-  
butariam moveri promptitudinem, sed non  
nescij cum gravitate magis Magnas Nominū



adeundas esse Majestates, vel ideò tardiores  
facti, potiùs ad annexam Solennioribus Fe-  
rijs Tui Tutelaris strenam, strenuiore Pasto-  
ralis Nominis, & Honoris Veneratores. Ul-  
teriùs non potuimus intra modestiæ cancellos  
submissionis nostræ detinuisse parsimoniam,  
ubi vel ipsum Nicolai ethymon nil nisi profu-  
sam aureæ liberalitatis ispirat munificentiam;  
non potuimus Tuis Te non convenire Fructi-  
bus, quandoquidem beneficiæ Tuæ dexteræ  
sparsim eliquantur imbres, à quorum copiosi-  
ore influxûs latice, nec minimam Scholarum  
Piarum plantulam repudiare minimè dedigna-  
beris. Habe igitur in strenam cum præsentì  
folio in mille vota, & obsequia explicatam  
tributariã pennã, habe Gentilitiæ Cruci affixã  
Minervam Scholasticam, habe supplicem, &  
suppliciatam Venerationem Nostram, quæ u-  
bi Præsuleo adgeniculatur pedo, semper pe-  
dissequum Nomini, & Honori Tuo omnige-  
næ felicitatis apprecatur satellitium

ILLVSTRISSIMO  
<sup>ac</sup>  
REVERENDISSIMO  
PASTORI SVO

Dèvotissimum Collegium Chelmense  
Scholarum Piarum.



M E R I T A  
R E V E R E N D I S S I M I  
P R Æ S V L I S  
IN  
E C C L E S I A M.



Ræfidentis animi, an obluctantis ingenij suspectum penna prodit specimen, quæ in exordio tributariæ laudis finalem statuit periodum. Rarum contingens: inter addensatas lituras arrogantem minùs patere sepiam, perindeq; coactum stylum artificioso obliterari fucò: sæpiùs hic ementitis nudatus coloribus spontaneus Encomiastes videri desinit, dum inchoativo verbo concatenat supremam vocem, atq; illa ex vastissimo eminet Nigroponto, dum Augustis Nominibus, quibus angustus Orbis, metâ præscribit terminalem. Bene aridet Magnæ Indoli quantumvis pumilio calamus, si tamen in gloriæ promontoria operoso gestit reptare tentamine, nec protinus ultimum trahit anhelitum tanquam prolaxis virtutibus brevi conclusionem illaturus. Verum equidem, metiri sua regna decet, finesq; fateri: sed quis ille Orator Geometricus, qui alienæ magnitudini circino definiat limitem? Invenusta certè hujusmodi panegyris, cujus arbitrio clamata totis Americes, Asiæq; regnis rectefactorum fama in exilem atomum coarctatur. Nemo derogare nititur affinitatem Poloniæ cum polo: fatentur ipsa terrarum contermina latifundia, imò etiam sequestri Regia Bungi, multaq; alias Exploratorum indagine quæsitus, tandem indefesso unius Columbi labore inventus novus mundus admotam Superis Sarmatiam; adeoq; unanimi consensu evulgant, quòd non solum hospitalem quondam pulsus è cœlo Dijs Ægyptum proprio ditescere Nilo admirandum sit, ac vicinum Deastris Septentrionem cognatis exuberare novilibus portentosum. Ita sanè nihil obest frigoris veredarius Bootes, gelidumq; propinans Arcturus imbrem, ut quandoq; Lechia suorum Civium facinoribus sterilescat: nunquam illa non



Esperitate coelorum fecundior, non adversitate fatorum locupletior. Et verò arduum negotium quamlibet lectissimam Poloni Orbis frugem ultra Balthici maris sinus, Euxiniq; ponti littora propagatam cumulare laudibus dispartitis; sola placet Wyzyccianæ Domus Pomona: hæc suavis illecebra styli, hæc famefcen-  
tis paginæ nobile alimentum. Quis neget malignantis licet supercilij Aristarchus, cui salubres desipiunt cupedia, quam grata DEO, jucunda Patriæ, amæna Majestati bellaria ex Avitis Illustrissimorum Wyzycciorum Pomis? Durant hæctenus livido vetustatis intaminata morsu, nec deinceps edacibus consumenda lustris, quia palmarum Crucis signo insita diuturnam prosperitatem omi-  
nantur. Durant inquam vesano Gradii inconcussa turbine, quia validos Gentilitij splendoris habent Assertores, quorum lacertosa virtus illud semel Romanum effatum toties in suas traxit partes: Geraldorum esse agere, & pati fortia. Nimirum adamantina Wyzyccianæ Propaginis Indoles semper ad omnem debacchantis fortunæ obduratur assultum, & cedere Fatis nescia, ut pote boni publici citra nativæ dispendia famæ avidissima. Libeat scrutari Aventinum; tantumne Scipionis trophæa sculpta in marmore? vel Cæsaris fortuna excisa in jaspide? forsitan senilis ætas adeo fastuosis characteribus deformem inaravit rugam, ut vix oculatus possit reperiri Argus ad legendum. Fortius inhærent Geraldorum vestigia Palatinis culminibus; id enim Geniale Nomen insonat, quod Wyzyccios solum ascendere deceat superius. Grandis hic Rhodus præcelsa meritorum lustrare penetralia: facilior ausus, tametsi non Herculeo pedemate excubantem ad Hesperidum hortos inambulare draconem, ut inde pretium non vile laborum: aurea poma imbellis etiam reportet manus, quam Oratorem Alcidem singulis infudare Wyzycciorum Nominibus. Sufficis Tu REVERENDISSIME ANTISTES geminâ redimitus vittâ unus ipse Antigonus pro pluribus, nempe Tuorum Antentorum Excellentissimus, Tuorum Aboriginum Illustrissimus. Et sanè dignus es prælustribus ornari Titulis, laudibusq; supra Majores extolli, cum nihil in Te cluceat non Præfuleum, nihil non Senatorium, nihil non Civile. Pridem optabant sæcula, suspirabant lustra, ac proinde segniore passu destinatum iter morabantur, ut talem venerarentur Pontificem, cujus Virtutibus inclaresceret Sarmatica tellus, donec illa affulsit ætas, quæ Nobilissimū  
Avi-



Avitæ Crucis Partum vidit, suspexit, adoravit. Ita prorsus imple-  
tum est Coronati Vatis augurium : Lignum, quod in Wyzycci-  
ana Domo plantatum, dedit jam fructum in tempore. Potest  
abhinc Sanctissima Romanæ Ecclesiæ Majestas festiviores celebra-  
re dies; nam si fundata supra firmam petram, nullum pertimescat  
casû, potentiùs tamen Tuo firmatur adminiculo. Ingens profectò  
de Gentilitijs Splendoribus accedit Divorum cultus, & Ortho-  
doxa Fides nativo fatis licet irradiata lumine exoticis quoq; illu-  
strior evadit luminaribus. Clarant abundè Tua Merita ILLV-  
STRISSE ANTIISTES militanTEM Ecclesiam, dum Sacræ au-  
thoratus militiæ tanquam pro sua Sparta interritus Leonidas, vel  
pro Thebis infractus Epaminondas, pro dilatando Veri Numi-  
nis Imperio strenuus desudas Stratiotes. Erudijsti adhuc Neopto-  
lemus juveniles annos ad quodvis incommodum; inter ipsos  
Romulæ Palladis lares assuevisti præliari bella Domini, & ubi  
Theologicam arenam continua velitatione lassasti, immensis tûc  
laboribus aptus eras. Nec quidquam Tibi proposuit obicem  
tenerior ætas, quæ alioquin multos depravat crepundijs, ener-  
vat delicijs, debilitat blandimentis, magis Tu propensus ad seria,  
velut maturus ingenio, senilis sensu impallescere libris attenta-  
bas, certus ejusmodi pallorem solita Metamorphosi in Purpuram  
commutandum. Quid provectiorem animum Aristotelico fæ-  
cundum intellectu non mendax fama memoret? nisi agramma-  
tus literarum Osor tenuitatem mentis stolido affingere velit suf-  
fragio posthumis ipse exhibendus Nepotibus; quanta Eruditio-  
nis in Te capacitas, ut etiam indocta Aristidis Pæcilia, indiferta De-  
mosthenis Atheneæ, inculta Diogenis Craneæ audiantur. Satis  
instructus scientijs, non parvum geris in pectore Divini Honoris  
zelum: ardet ille non extinguendus adversantium temporum  
tumultibus, æstuat non obruendus malignantium astrorum tē-  
pestatibus, calet non demoliendus grassantis brumæ frigoribus.  
Horridum spectaculum producere in paginam monstruosa stygis  
agemata, sed Tuæ theatrum gloriæ, cum sis illorum Triumphat-  
tor. Prostravisti non semel sacræ Eloquentiæ acumine illas am-  
biguæ frontis Harpyias, quæ lenæ vultu, leænæ unguibus sive no-  
xiam propinant. luem, sive damnosam intentant scissionem. E-  
xarmasti verborum lenocinijs perduelles illos Romanæ Fidei Da-  
naos, quorum ingenium Cretense nunc astibus feralem stragem



machinatur, nunc apertò Marte internecionem fabricatur. Deniq; illa malè animata vitiorum portenta exanimasti fulmine linguæ, quibus solenne fœdare mentem, polluere animum, dementare intellectum. At neq; istud fluido committendum elemento, quin potius æternaturis Cedris imprimendum vocale problema, quod toties inspirante Numine effari consuevisti: etiam proprio sanguine Te velle mercari Christianæ Reipublicæ salutem, si necesse. Inusitatum sanè miraculum! Obstipescit stylus ad tantam Præfuleæ Virtutis famam, hæretq; defixus memorato prodigio. Quid si cordis Tui arcana rimari permitteres? quàm ibi flagrans pateret sacri amoris Vesuvius, quandoquidē tales scintillæ ore promicant. Nemo ambigit in Tuis labijs diffusas gratias: affabilis eloquij facultas sæpè effrenes in licentiam animos sufflaminat, obstinatas mentes emollit, quodq; majorem laudis importataugem, ubiq; palmam obtinet. Gnarus es animorum Venator **ANTISTES ILLVSTRIS**IME: fortunatius Timotheo non modò minutiores onagros per abrupta fallaciarum discursantes, vel immorantes errorum cæno castores, atq; grandiore prædam Mystico Salomonis ferculo litandam comprehendis. Somnum Tibi eripit fax mentis honestæ probitas, ut identidem propagandæ Ecclesiæ sollicitam impendas operam, cum noveris inter delicatos Lunæ amplexus non oscitanrem Endymionem ad perennem evigilare posse gloriæ orientem. Vidimus arcuato poplite vel in fastis adorari quondam sublimes Vittis Proceres, hacferè ratione: quòd aliqui melleam in populos stillaverint scaturiginem, aliqui pretiosum metallum in Auditores seminaverint, quidni Tu isdem coæquari sufficiens? quem simul auro facundum Gallicanum Herculem, simul nectarcum Stesichorum extra confinia Regni Poloniæ alienus Orbis auscultavit. Sic supra fidem utriusq; ætatis centuriatos pro Fide Romana gaudes experiri labores: utiq; promptus semper ambidextrâ tuâ Eloquentiâ sive tonare ad terrorem, ut dissolutos timor Domini componat ad virtutem, sive animare ad fiduciam: ut pusillanimes Divinus amor stabiliat in virtute. Enimverò non ore tantum meruisti panegyrim **ILLVSTRIS**IME **ANTISTES**, manu quoq; Ecclesiam Tibi fecisti obæratam. Intumescat olim sumptuoso totius Asiæ censu vastum Dianæ fanum, artemq; Ctesiphontis pariter, ac Orientis forrunam sublimi ad astra inferat fastigio, potestne adhuc insultare cælo? quod jam incineratum



ratum bustis disparuit. Transcendat nubes acuminoso turgens  
solis colossus vertice, adhucne præsumit sociari polo? qui jam  
de suo fastu remisit? Extendat se ultra Subsolani metas sepul-  
chrale Mausoli pægma, tanquam universo stellarum agmine fa-  
brèfactas gestiens serenare umbras, adhucne præfidit cristatis cæ-  
li fulgetra prensare pinnis? quod jam supremo affectum deliquio  
fatis cessit? Nihil perenne, quod profanus exstruxit tumor. Ia-  
ctabunda munificentia languido fundamento nititur, sæpè ad  
Occidentem vergens non ad Meridiem. Stat nullis immota ca-  
sibus Te architectante REVERENDISSIME PRÆSVL condi-  
ta Mstoviensis Basilicæ moles, cui Gentilitiæ Crucis insigne o-  
mnem ruinæ metum propulsans longævam addidit firmitatem.  
Minus apricantur spatioso Domitiani opes amphitheatro; paten-  
tior Tuæ liberalitatis campus in sacro ædificio; ubi diserta sem-  
per & Numinis, & Fundatoris gloria demoratur. Profecto Ni-  
colai genium ad vivum exprimis, sicut ipso Nomine censeri  
Benefactor, ita opere Mecænas esse exambiens, ut censori calamo  
justam correctionem injungas; multorum quidem nomina  
dissonare cum factis, NICOLAI verò ANTISTITIS consonare.  
Solet alibi captivum teneri aurum, damnariq; ad diuturnas te-  
nebras, ut potè sæpius fugitivum, dum ex decreto avaritiæ sub  
ferrea servatur custodia, Tuo tamen judicio semper in libertatem  
asseritur; luciq; publicæ restituitur. Magnum existimasti lu-  
crum, pro sublevandis Altissimi Regis penatibus expendisse num-  
mos, quorum sementis nisi in benedictam terram jaciatur, de-  
speranda messis gloriæ. Non levem effecisti fortunam Tuam,  
quamvis apud plurimos levitatis arguitur; eo ipso præpondera-  
vit omnem divitis glorbæ substantiam, quod cum illa Tu  
quoq; MICHAEL libraveris lapides Sanctuarij. Promanat ul-  
terius Tuæ munificentia Eridanus, neq; his littoribus arctari pa-  
ritur, cum præter Mstoviensem structuram plures Divorum Aras  
largo inundat cataclysmo. Etiam lippiente pupillâ Cimmeriæ  
noctes videre possunt, quam pretiosam Pactoli tempestatem in  
sacras Aedes commovere laboras; ut ibi aurato quælibet supellex  
crispetur fluctu, ubi DEI Majestas sub nube adoratur. Facile  
susplicari Venusinum in Te animum ex virtute Pulcheria pro-  
genitum, quia nunquam Turpilios lares in Deorum adytis ma-  
nere connives, quin protinus illis de Tuo arario commodas ve-



statem. Planè firmiter inhæret Tuis præcordijs memorandus ille Entheus: Frustra Poloni cingimus oppida muris, & arces addimus arcibus, delubra si squallent, & altis Cælituum viret herba tectis; assidua namq; hæc Tuæ mentis operatio nudas Templorū vestire parietinas, incōpta ornare altaria, egentēq; ditare Ecclesiarum apparatus. Paulò majora dicenda non sine plausibili cælorum assensu, quàm Nestorēā rude ante Tiaram dignus fueris, dūm præter currentis sæculi morem totum Te æviternæ utilitati impendisti, totum Divino honori mancipasti, totum amplificandæ Fidei devovisti; sed si liberalis Tua dextera hoc duntaxat encomio celebrari possit: præceps illa manus fluvios superabat Iberos, quid singulas pro Ecclesia partas virtutes distincta complecti panegyri? Longè accuratior Orator Liber vitæ Tuorum Meritorum prolixum syllabum comprehendit pro æternitatis gloria serò peroraturus. Vnicum excellens virtutis documentum ultrò se effundit in paginam, quod humilem Ecclesiæ cætum jam Senator, jam Antistes, ab intimo affectu non proferibas. Vix istud accidens in Orbe prædicabile; sublimes clivos pygmæis facilitari posse conatibus. Refugit sæpè familiarem congressum purpura cnm lacerna, & expolitum aurum detestatur plumbi viciniam. Exploratum est; ut in dignitatis fastigium evectus quispiam fortunæ bigis, mox humi reptantem averfatur plebem, quasi dedeceat solis oculum neglecta intueri mapalia. Procul a Te imaginabilis fastus exulat REVERENDISSIMÆ ANTISTES, qualiscunq; es, non es accessu difficilis. Ad sequentium recordationem annorum præclarum exemplum porrigis: non debere bicornem Insulam in animo creare cornua, Pontificiumvè pedum pedibus suis advolutos proturbare. Nosti semper spontaneo contemptu vilescere Religionum Familias Religiosā prosequi comitate, nec aliquem abjectum sæculo, pariter abjectum Tibi videri sinis, cum sit major Tua propensio ab ipsis pæne incunabulis collactanea in eos, qui sunt non parva pars Ecclesiæ. Admittis & Scholas Pias in Tuæ benevolentiae sortem, quibus patrocinari necesse decrevisti, hoc tantum argumento persuasus, quod Tuo egeant patrocinio. Non Te ille respectus, qui quandoq; Procerum curulibus assidet, & nihil frustra præstare cogit, dimovet à proposito; paratus immeritos Literariæ Picatis Satores locupletare beneficijs, refovere gratijs, cumu-



cumulare favoribus, ut discant sub Wyzycciano Nomine beatos esse Pauperes. Iam autem longa Tuorum Meritorum in Ecclesiam series omnibus absoluta numeris, fortè etiam Tullianum potens defatigare ingenium, quomodo tenuitatem Eloquentiæ non deterreat? Sit satis velle metiri Præsuleæ virtutis fastigia: nunc ex submissione addimus coronidem, Tuis tamen laudibus nec metas rerum, nec tempora imponimus.



# H O N O R I N F V L A T V S AB E C C L E S I A.

*A*bsiste dicæ lingua; nec irritò  
Aures susurro cluseris amplius,  
Hucusq; si refers forensem  
Insuperis habitasse tantum  
Dea bilancem sedibus; irritus  
Est iste rumor, vana loquacium  
Commenta nullis nixa fulcris,  
Nulla fides seriesq; rebus  
Nondum Polono climate justior  
Astrea cessit; transfuga partibus  
Non est Lecheis, nec reliquit  
Sarmaticas Themis alma terras  
Fastigiatis stat vigil atrijs,  
Summosq; vallat legibus equitas  
Fasces, & in celsa curuli  
Pollet adhuc gravitate recti  
Esto remotis exul ab Urbibus  
Post usq; Thulen pellitur ultimam,  
Sed inquieta mansione  
Vistuleis retinetur oris:



Hinc est ut altis dentur honoribus  
Ex equitatis fadere Nomina  
Hinc est ut in summis locentur  
Culminibus nisi digna magno  
Subjecta stallo; nil nisi premio  
Virtus reportat, nil nisi grandium  
Census laborum conferuntur,  
Et meritis datur eminere  
Et Tu supremis consociabile  
Sidus Planetis taliter emines,  
Et Tu Senator in Polono  
Non aliter NICOLAE Cælo  
Fulges ut astrum; non aliter Tibi  
In purpurato contigit agmine  
Splendere, quàm quod iusta merces  
Pro merito Tibi destinavit.  
Quantas dolosis fervidus ignibus  
Technas coquebat livor? ut ardua  
Non pertigisses; sed potenti  
Prævaluit pietatis æstu  
Illa illa recti conscia pectoris  
Virtus, & ardens zelus ad Insulas  
Pridem creatus, sic triumphos  
Innocui cecinere mores.  
Quid Mstoviensis saxa Basilica  
Quid de polito marmore providis  
De Te loquuntur sumptuoso  
Templa Dijs fabricata censu?  
Quid liberalis dextera, pauperis  
Patrona turba? multaq; pluribus  
Addenda pulchrè gesta gestis  
Unanimes sociata nexu.  
Ecclesiasten Te super exedram  
Dignum locarunt; pluraq; cogitant,  
Donec subintraret altiores  
Emeritum caput ad Tiaras.



M E R I T A  
I L L V S T R I S S I M I  
S E N A T O R I S  
*In*  
P A T R I A M.



**F**racem decumani laboris indolem  
ex una tantum circumstantia perennaturis manda-  
re codicibus, pænè idem est; ac luminoso Astroꝝ  
Principi calorem, puniceis rosis fragrantiam, ardē-  
tibus pyropis negare venustatem. Accedit sæpè in-  
genus mentibus effusior in laudem stimulus, & avara honoris  
posthumi magnanimitas non ita libenter clamoso petit laudari  
Heptaphono, quàm ubiq; locorum promeritis laureis coronari.  
Parum sibi decorus videtur esse Phæbus, si everberantibus radijs  
circumsusam gestat cæsariem, nec aliquandò sua tempora vernā-  
te corymbo vinciantur. Vsq; adeò nobilitat Herculem, & æri-  
pedis cervæ præceps insectator cursus, & difficilis lucta cum An-  
tæo. Nihil Te ILLVSTRISSE ANTIISTES devenustant  
patrata etiam pro Patrijs focis facinora, æquè hinc effulгурat Tuæ  
gloriæ splendor, sicut ab Aris inextinctum jubar accenditur, ut  
gemino calle fortunatior incedas. Hippomenes, nimirum Arde-  
atinā Viā ad ornamentum Ecclesiæ, Flaminia ad nativi Orbis fir-  
mamentum. Prævivere Tibi in Sago & Toga inclyti Aborigines,  
qui tamen Magno Suo Nepoti Virtutis stadiodromum magnis  
emetiendum passibus reliquere; sed illorum quoq; edomitos ex-  
sudatosq; labores respexisse libet, cùm jam transtulere aureo scul-  
penda cælo Nomina, quæ procul Memnōq; & Auroræ rubentis  
Regna legunt medijsq; vesper miratur Astris. Non est vilis  
conatus Geraldorum quondam heroica gesta revocare in memo-  
riam, quos posteritas oblivionis veterno non recondidit. Bellis  
nutritæ animæ amant Oratorium stylum acuere in laudes suas,  
et inter armorum sterpitus educata indoles, gaudet Eloquentiæ  
campo spatari. Multos plerumq; dura fati necessitas tam gra-  
vi premit marmore, ut ne minimam rimam, quā in lucem pro-



dire liceat, facile reperire; in Geraldos solummodo clementior; quocunque velint, eorum famam volitare permittit, quos à lege crudæ mortis immunes fecit Romani Pontificis cum Crucis Sigillo concessum Privilegium. Calcat lethi umbras Heroæ Virtutis incessus, repetitque descriptam proprio sudore arenariam Virilis gloria, ut videat, si quos livor temporis delevit laborum characteres. Et certè non delevit: spectabiles sunt Marte calentes Geraldorum cunei, quorum quisque felicior pro salute Patriæ ad Threiciæ Cannas Æmylius, cordatior ad Tauricanam Trebiam Sempromius, animosior ad Mœoticum Thrasymenum Flaminius. Credimus imbellem Hectoris audaciam, & Æneam non æneum dicimus, cum illorum sudor necquidquam grassantes in Trojam extinxit ignes; multò potentiores Wyzyccianæ Domus Primores in superando quovis Natalis soli discrimine proclamantur. Assentimur magis præcipitè ad auri lucellum Lucullum, quàm ad Põrici Gradi viæstum; Bellatores Geraldos non aurea fame, sed perennate famæ inescari æteacta sæcula probaverunt. Bene à metallo Metellum nominamus, præptior hic ad corroganda æraria quàm ubi Patriæ in commoda suadent ære ciere Viros Martemque accendere cantur: at in Geraldis solus ferri amor pro Lechia, ut non immeritò dicendi Ferrerij, omnisque præclari sanguinis Hæres ad ferreum laborem festinus Celerinus; quandoquidem teste Polono Cælos Pulchrior haud ulli triste ad discrimen ituro, & egregiæ tanta indulgentia formæ. Sic audentes semper, & ardentes publicæ incolumitatis Tutores nec frigidum unquam; nec meticulosum pectus gerunt, adeoque sine chalybe interdum præliari palmare putant: nam virtus honesto læta periculo non ære fusis tecta timoribus bellare gaudet, non recocto Trinacria clypeo sub Ætna munire fibras, non adamantino lorica nexu aut impenetrabilis septuplicato parma scuto, aut rapidis Steropi caminis fudata cassis præstat ahenei securiorem fulgure tegminis, nec arte Brontæa gelata fulminei simulacra Martis. Quid quòd architectantibus Geraldorum ausis ponè Tyram, ac Borysthenem locata Virtutis monumenta lustrare deceat, quoties ad pugnaces cingulvis de hac Familia obtutus Alpinae rubuere nives, & frigidus amnis mutatis spumavit aquis; quoties vos Thræcia flumina testor, quæ largo mutastis sanguine fluctus; vos Hæmi gelidæ valles, quas sæpè cruentis stragibus æquavit invictum robur; quoties



ties vel exanimis pænè corruit Moschoviticus Dracō, vel territa  
expalluit Othomanica Cynthia, vel Sueticus Leo dama cervoq;  
fugacior ibat. Quid quòd nutantem Regni fortunam portento-  
sa fortitudine sustultam memorare necesse? quam robustior A-  
tante quisq; Geraldus fuerit toties patienter ferendo Gradivi mo-  
lem, toties vel injuriam aëris, vel tempestatem adversantis Bello-  
næ sustinendo, ut etiam Romana vetustas inviderit plures Sarma-  
ticos reperiri Horatios, qui modò pro Patrijs Laribus ac pro pō-  
te sublicio immobiles stare, modò pro ampliando Polonæ gentis  
sceptro confictari cum hoste assueverunt. Quid quod in Ioga  
Consulares Geraldos venerari expediat? num formosior inter bi-  
pēnes Quirinalis Majestas? ac pacata Sarmatia inter laticlavias su-  
orum Civium curules? quibus faciliè limato verborum delectu  
aspera fatorum explanare sancita, Platonico sensu perplexas rerū  
enodare ambages, multisq; argumentis probare, quid juvat?  
quidvè nocet? ne solus in Attica Isocrates, in Epiro Cyne-  
as, in Latio Hortensius, eruditus, facundus, excultus, atq; in Po-  
loni Consi domicilio Togata Geraldorum Nomina æternarent.  
Quid ultra profari conveniens? singula complecti cuperem, sed  
densior instat gestorum series, laudumq; sequentibus undis obrui-  
mur. Implere potest ILLVSTRISIME ANTISTES totam, quā  
se extendit procera virtus, nedūm Eloquentiæ arenam, verūme-  
tiam frondescentes Heliconis recessus centuriatis facinoribus in-  
gentium Titulorum conscius Parens Tuus ut potè simul Vexilli-  
fer Kijoviensis, simul cataphractæ militiæ Primicerius, quem re-  
divivum Achillem suspexit Polona tellus. Nunquam ille non Co-  
mes Demetrii Wisniowieccij ad bellicum laborem; penes clavā  
Supremi Exercituum Ducis, probavit hoc non postrema fortitu-  
dine, quòd subinde minutiora Astra præsente Magno Planeta  
colluceant, tenuesq; colles præcellis Alpibus suppare esse videan-  
tur. Desinimus prima in primo ætatis flore odorare virtutum  
decora; patuit ex ipso nasci Sarmatas ad bella, cunabulaq; sua in  
hastis habere, cum & ille vix pumilus infans senserit galeas, mox  
reddidit ferocem vagitū lituis. Mens ardua semper à puero, tene-  
risq; etiā fulgebat in anis fortunæ majoris honos; jā tūc cōspicu-  
jā tūc venerabilis ibat, spōdabatq; Virū celsi jubar igneus oris. Me-  
moranda non sine gravi gemitu rebellantium Cosacorum barba-  
ries fatis celebrem ANTISTES ILLVSTRISIME effecit Genito-



rem Tuum, vitamq; illi suis cædibus perennem comparavit. Itā multum prodest ad gloriam hostilis rabies, quæ dum furiali clangore provocat in aciem oblivionis lethargo excitat virilem fortitudinem. Nihil proficit servilis insolentia; licuit quidem lufisse non de pede, sed de capite arcano Deorum permisso, licuit inquam insultasse Polonia, quando in diversas partes bellorum tempestas Civiles distraxit ausus, at ubi conjuratum sociali fædere in plebejum Martem, protinus optata rediēre Alcyonia. Instat iterum Bellona ferox; laxis ordinibus frequens Massagetes citato cursu quotannis ad confinia Regni deproperat, ut Lechiæ fines diminuat, sed audijmus pro indemnitate communi pervigilem stetisse Wyzyccium, cui non segnis audacia in ferendis suppetijs, propulsandisq; terroribus, non invalida manu in carpendis adoreis, non imbellè pectus in reprimendis assaultibus. Iam pænè visceribus ejaculata sæpius hæssissent Bessorum tela, jam Polonia ferocientis Bosphori impetita cornibus tragicum subiisset discrimen, si Wyzycciana Domus infractum Patriæ non protulisset Defensorem. Videlicet huius Virtute hætenus firmata populorum salus, ut nullum languorem sentiat; huius laboribus cunctorum felicitas propagata, ut angustiari nequeat; huius deniq; sudore Polonæ gentis gloria comparata, ut fluxæ vanitatis effectibus non obiaceat. Adhuc supersunt plusquam Spartanæ indolis specimina: qualis contra Orientis fastum Bellator Parens Tuus fuerit, dum vel ipse Tanais hostili tabo decolor avulsas Bistonum cervices fateatur, nisi admiratio pessulum linguæ imponeret. Profecto eliminanda hæc labes a Wyzyccianis Nominibus, quam in alijs languida manu pro panegyri decertantibus Censorius advertit calamus: cui nudus ensis, cui clypei timor, & entheati spicula prælij è corde proscripta in remotis exilium patiuntur oris: cuius gladios, quos quondam Tauricani prodiga sanguinis Thressæ lavabant murice vulnera, consumpsit ærugo, & pendulo rasit senio vetustas. Altius non progredimur: succedis Tu ANTI-  
STES ILLVSTRISIME non degener ab inclyto Parente Filius, nempe prius Miles, quam Mystes, prius Martiali calore succensus, quam Sacro Flamine inflammatus. Novimus Te inter bellicos fragores festivum Auditorem; sive rauco fremitu sonuerunt tubarum iurgia, sive frendens sibilavit telorum impetus, & stertutantiū machinarum furor hinc & inde ferratis immugijt glandibus



dibus, non timidæ mentis dedisse documenta. Novimus ad conflictum defultorio celerasse passu, & ubi validior hostis densavit cædes & funera, ibi torosas fatigasse vires, ut nobilior palma de ingenti labore Tibi pullularet. Adeo generosus ardor plerumq; petit ardua, nec refugit salebrosum iter, in quo si pedem offenderit, caput reportat laureatum: siquidem heroa Virtus se generosior in ausa trudit, perq; paciscitur periculorum tela laudem, perq; acies volat ad triumphos. Pulcher Tu quamvis tenerioris formæ, jam chalybeo amictus cinctu Ascanius, etiam cum immani Mezentio luctari appetens, quodq; Taumantias verè admirationis filia depluente sudoris Tui imbre obstupuit; nondum maturus ævo, jam fortis bello, jam Giganteum robur debilitare potens; unde hæc fama de Te: quod scilicet nunc ANTISTES CHELMENSIS, quondam eximius Bellator, seu caput abdiderat cristata casside pennis, in galea formosus erat: seu sumpserat ære fulgentem clypeum, clypeum sumpsisse decebat. Bene providisti Tuæ gloriæ; vix pubescentes egressus annos, confestim domesticas exosus umbras ad Polonas Aquilas convolasti, ut irretortâ palpebrâ exandescentem Byzantinæ Lunæ faciem intueri assveceres. Et assvevisti sanè, simulq; probasti: tam horribili fulgetro non posse lædi præclaræ mentis jubar, dum ad ipsius defectum operam admovisti, quominus Parriæ fortunam luxuriantibus flammis devastaret. Sed neq; Tui laboris exortem, ut pote consortem Wyzycciani Sangvinis Fratrem Tuum ILLVSTREM & MAGNIFICVM Vexilliferum Kiioviensem pronunciare fas & jura sinunt; etiam hic decorus cum suo Castore Pollux simultaneâ Virtute spargit lucem noctes Atticas serenantem. Potest Tecum Patriâ se metiri in hasta, & pariles sociali dextera prensare laudis adoreas, quem obstetricans Lucina in ipsdem cunis faciavit, cognata Venustas ipsdem lineamentis adumbravit, & Genialis propensio ad eosdem labores vegetavit. Sic enim exploratum illius robore barbaricas fugari acies, Lunatica signa convelli, fanaticos insultus frangi, sicut Tuis viribus quamlibet adversantis Gradii potentiam labefactari, diminui, infirmari. Evidens satis fuerat argumentum à simili: pugnastis uterq; pugnastis ambo florentes ætatibus, Arcades ambo pro intaminatis honoribus, & quanto flagrabant Tua pectora voto optatas audire tubas, campiq; cruentâ tempestate frui, truncisq; immergere plantas,



tanto illius mens æstuabat desiderio in militarem cespitem nunc  
pruinosis tumentem, scatebris, nunc sanguineis fluctuantem rivis  
provehî, & obstrepenti classico audientem pariter, pariter auden-  
tem litare promptitudinem. Igitur non deformis in Te, ac in  
Fratre Tuo morum concordia, quia non difformis; ætas, forma,  
& arcanus luminum vigor, pares animi, & quamvis in diversis  
frontibus una Majestas, nisi quòd sanctioribus admotus negotijs  
post emensos laborum anfractus, post tolerata magnarum sollici-  
tudinum centipondia Pontificali coronatus Infulà præmineas,  
atq; Senatorio murice trabeatus longè latèq; præfulgeas. Et ve-  
rò magno Tibi constitit honor laticlavius, non modò in sangvi-  
nolenta Martis arena prodigaliter fuso sudore emptus, vel millenis  
ad armorum fragorem licitatus periculis, ac extra præliaris Fortu-  
næ aleam exantlatis laboribus inescatus. Difficilis est nodus  
Macedonico etiam vix dissolvendus acinace, tenuis ingenij boli-  
de ad profunda operosæ mentis penetrare molimina, quàm callo-  
sis humeris totam incommodorum sustentasti Sicaniam, donec  
ad Purpuratorum sortem aureus numerus accederes. Non unā  
eliquasti è fronte gemmam, dum libertatis Polonæ clenodium  
tam multis curarum impensis appretiasti, ut salutis quoq; Tuæ  
experiri dispendia minimè dubitaveris. Non unum expectorasti  
de corde anhelitum, dum Patrijs legibus insomnem celsisti vigi-  
lantiam, nè Themis Lechica sub ignorantiae nube delitesceret. Ma-  
jus erat cum animæ potentijs sæpè inire Athleticam, quàm cum  
infensis hostium agminibus periculosum attentare conflictum,  
tantummodò publicæ felicitati optatam augem faceres. Pa-  
tuit in adytis consiliorum nunquam non de Tuo capite eruditam  
prodiisse Palladem, ubi illa limati sensus oracula, quæ sinuosas fa-  
torum ambages explanarunt, in lucem edidisti. Atq; hinc sinè di-  
minutione Magnorum Nominum auderet Panegyristes calamus  
elevatiorem in Te deprehendere Indolem, nempe ad ardua rerum  
momenta supparem, ad dissidentes Civiliū animorum conatus  
flexanimam, & ad omnem Virtutis nutum expeditam, nisi mode-  
stæ Tuæ imperiosa sçavitas, quæ semper prædicabili civilitate sti-  
patur, dignam æqualitatē, aut potius eminentiam recusaret. Sed  
addit stimulum propensio; quamvis abbreviato stylo, hanc tamen  
illationem Tuis laudibus subscribimus: non tot in Erythræis  
vorticibus numerari corallia, vel in Hydaspe gemmantes fluctus,  
quot




quot Tua merita cumulat in Patriam, quibus ultra remotā Peu-  
cen, ultimamq; Thulen pro voto suo vectigalis submissio inter-  
minalem destinat amplitudinem.

*~~~~~*  
H O N O R  
T R A B E A T V S  
*A*  
P A T R I A.

*F*Rustra superbos *Amphytrionius*  
*Tumens fastu jactitat Hercules*  
*Quondam triumphos, quos ab illo*  
*Hesperidum pretiosiore*  
*Revexit horto; non satis ardua*  
*Victoriosi gloria Nominis,*  
*Sat vile laudis pondus, ipsa*  
*In spodium retulisse poma.*  
*Bullata tantis sola crepundijs*  
*Inflatur aetas, in puerilibus*  
*Hic nifus est annis, orexim*  
*Arbutco satiare partu.*  
*Prestantiores carpit adoreas*  
*Wyzycciana dextra propaginis,*  
*Cujus vetusta Crux ab ortu*  
*Fructificat meliore censu.*  
*Stupere nondum desijt arbiter*  
*Polonus Orbis, quanta sub arbore.*  
*Crucis, sago cinctus Gradivus*  
*In Patria columnen cadentis*  
*Collegit olim commoda? dum male*  
*Propensa nostris finibus, ultimos*  
*Fines pararet e Cosacis*  
*Barbaries oriunda cunis.*



Sensit rebellans Chmielnicij lues,  
 Tristes, & alto pectore nanias  
 Deprompsit, in Wyżycianam  
 Acta Crucem, velut in Charibdes  
 Impulsa navis; quaq; domesticis  
 Turmis salutem Crux dabat, ordines  
 Ducendo Koniecpolsianos,  
 Interitu sepelivit hostem.  
 Vidit fugatas hac Cruce Patria  
 A se procellas, vidit ut erigens  
 Cristas superbus hic fennale  
 Supplicium Nalevaicus hausit.  
 Nec iste vobis terminus, unico  
 Prædisse tantum tramite gloriam,  
 Non sat Vetustis derelictam  
 Ex Proavis habuisse famam,  
 Non sat Paternam papilionibus  
 Vitam sub ipsis ducere, non satis  
 Sui sequaces quod phalanges  
 Impavido benè fultus ausu  
 Kijoviensis Signifer hostica  
 In arma ducat, nū quoq; praelia  
 Tu subires, nū Gradiui  
 Arma prius NICOLAE ferres,  
 Mystes ad aras sanctius antequam  
 Pedum tulisti Præsuleum Tibi  
 Ut pulchrius murex ruberet  
 Sanguineo prius ense tinctus.  
 Hec hac tulisti de Crucis arbore  
 O Magne CIVIS premia, Punicis  
 Adscribe pomis purpurato  
 Quod rutilis trabeatus ostro.






EXCELLENTISSIMI  
CIVIS

In

S E R E N I S S I M A M  
M A I E S T A T E M.



**T**in Regum ædes trepidante licet conatu juvat stimulare incessum, ubi Tuarum virtutum radiant Phænomena ANTISTES ILLUSTRIS-  
SIME. Terreant ut identidem solent coronati rumores, multosq; metus obviam effusis præmittant passibus; & confragosum esse, & lubricum iter ad Principum penetralia, audet nihilominus elumbistenuitas difficilibus insistere cæptis, dum illi adstipulatur Wyzycciani Nominis magnitudo. Pridem hoc scitum etiam currentis ævi: Augustum limen numerofo cliente cingi, quod nemo apprehendit, nisi cruenti sudoris effusione purpuratus. Contingit aliquando planū esse ad Throni conspectum tramitem, sed næ ejusmodi dolosa fortis alea, nam si intrantibus adjocatur prosperitas, commorantibus certæ vertumnæ vices parant lessum. Sæpe quodcunq; Regnantium conclave Tiberij Palatium dignum censeri, potest illud quilibet Sejanus illæso pede ingredi, mox verò subita correptus vertigine offendit in exitium. Neq; penes Constantinum Ablavij fortuna constans : degenerat plerumq; Imperialis Aula Favonius in Vulturū, qui candidos successus ferali obnubit tēpestate. Imò & Stiliconis palmare caput tandem funestā redimitur Cupresso; nempe apud Honorium plurimus quidem captivatur honor, qui tamen sic oneribus suis coronat, ut vel petito-rem frangat, vel deprimat. Planè senex aularum felicitas monstrum est: præter Hercynios saltus Libycasq; solitudines, grande nimis portētū: in Regalibus tholis ad usq; canitię provectus favor Majestatis. Odit silentiū nomine alioquin Tacitus, Stětoreā voce omnibus notandum ætatibus declamat paradoxum: Principū



amicitiæ lentè augmētantur subito extinguntur. Diu necesse, quia non unius diei tolerare pondus & æstum, priusquam trabeatus amor suaves amplexus præbeat. Serenissima potestas non statim blando aridet vultu, quam ubi plurimis laborum procellis jactatus cliens fuerit; & extra spem severum ita contrahit supercilium, ut credere fas sit, non solem in folio, sed torvum promicare Orionem. Desciverat in Te ANTISTES ILLVSTRISIME variabilis esse Regalium ædium fortuna, cujus ingenium semper infidum, semper fluctibus maris conforme, nullum non ad scopulos impellit, & allidit. Nam quomodo Tibi successus candorem mentiti debuerant, cum Phosphorus ille Sarmatici solis, etiam nunc post suum occasum Illustrissimus, non marcidæ memoriæ Marcus Matczyński continuò Regiæ Domûs Primicerius, ac simul Palatinus Terrarum Russiæ ad amorem Principis Te adduxit. Ille inquam verè Pupilla Regis satis subtili mentis acie latentes sub nube modestiæ advertit in Tuo animo præclaras doctes, quæ ut Serenissimæ Majestati militarent, Te suis affectibus, Te Regio cordi mancipavit, scilicet firmum Patriæ columen, Arcanorum Regni tutissimum depositum, Senatûsq; Poloni futurum complementum. Quanquam non è Dodonea quercu sed è pectore Palatino Illustrissimi Palatini hæc apertissimæ veritatis promanarunt auguria; quod enim tempus silebit, quanto molimine duos pro Principe exsudasti labores? vix primum defixisti pedem ad latus Invictissimi & Potentissimi Poloniarum Regis IOANNIS II. cujus recordatio toto celebratissima Orbe, protinus speciosa Tuæ virtutis decora monstrasti senescentibus annis æmulanda. Nihil Tibi videbatur asperum coram Serenissimæ Majestatis facie; tolerabile fuit, sive invidiæ morsus, quæ purpurâ velut teredo rodit, perpeti, insanæ plebis fremitus, quæ ad auræ sibilum moveri facilis patiente aure inaudire. Placuit sæpè negata quies, dummodò Princeps securus quiesceret; ac perinde volupe erat non unam vigiliam agere cum jejunio, ut Domus Regia continuam solennitatem celebraret. Sanè rarum in alijs documentum proprijs laboribus Regum felicitatem pacisci. Quisquamne est tam fidus Achates, qui magis Æneæ quam privato bono infudet? Plures numeramus in purpuratis ædibus Aristippos, quos ventris inopia; non cordis egestas captivat Principum obsequijs. Inescatur plerumq; popularis affectus vel auri pretio vel



vel mensæ apparatus, & inter calentis pocula Cæcubi quisq; ad officiosam promptitudinem acuit appetitum; quod si hæc illicia defuerint nunquam festivi amoris orexis reperitur. Elongatum à Te simile vitium ANTISTES ILLVSTRISIME, proinde tantum festinus fuisti ad incommoda, nec aliquando nutabas ad nutum Principis, ut illius Amicus extra theatralē scenam innotesceres. Et verò non permisit esse irremuneratum sudorem Tuum optimus Polonæ gentis Regnator: noverat certè quā bello, quā pace inclytus Princeps; & facunda ingenia quandoq; posse sterilefcere, & robustā Virtutem ad Majores ausus deficere, nisi hanc vigoret præmium, illis verò scaturiat imber aureus. Priusquam Tibi contulit Sigillum Regni, jam cogitationum suarum fecit conscius, ut Regio cordi Te esse scires obligatum, ad quod ascensiones in corde Tuo disposueras. Nemo sic intimus Ioanni quidem Nomine, Magno tamen gestorum famā Lechico Alexandro evasit Ephæstion, cui ante alios Regiæ mentis arcē penetrare licuit; plures fuere, qui in illam certabant suum maturare ingressum, sed senserunt repulsam, dum tantummodò eas Charites à Majestate extorquebant, quæ prodigaliter spargunt opes. Profectò irritus labor est, Coronatos amores illo adoriri tramite, quo coruscat auri sementis; procul se alienant, si ita appetuntur. Quis moveat dubium, non omnibus communicavam in Ioanne Serenissimo Gratiam, cum etiam de illa hostilis livor, quam toties furiato amaricavit tumultu, optatam suavitatem delibaverit. Nonnè calcatus Scythes, Triumphatusq; Biston, semel probavit luce perfrui coactus? Testis hæcenus veneranda Purpuratorum Patrum Curia, quæ Regnantis olim Gratiæ subsidio ad nullam desolationem ingemuit; testis & cujuslibet Ordinis populus, qui eadem suffragante in felicitatis constitit plenilunio. Reliquos, ut taceam; magis in Te perenne memoriale Gratiarum. Adhæcisti firmiter Majestati, imò accessisti ad Cor altum Inviētissimi Principis: Nam quod aliis personuit Ioannes, Vox clamantis, Tibi favorabilis Echo respōdit, Vox amantis. Vidit, & invidit illa non sine singultu reminiscenda ætas, quoties Tecum Regias partiri curas, quoties Tuis recreari alloquijs Terror Orientis consuevit, ut Delicium Majestatis dici meruisses. Par erat prodigio, innumeris onustum caput laureis, iamq; insertum polo sæpè Tuam meditari Indolem,




ac tersæ mentis recogitare Elegantiā, quæ multum iucundabant Regium cogitatum non postremo duntaxat pretio ponderanda. Quid vultus amænitas Majestuosæ gravitate pollens? quid frontis honoræ sublimis apex? quid innubis oculorum nitor? quàm barbaricis formidabilis obtutibus, tam Tibi amabilis, ut minus Patroclum Achilles, Mucianum Vespasianus delectaret. Vile æstimatum Serenissimo Ioanni multarum Provinciarum tributum; possessi quidquid fluvii evolvitur auri, quidquid luce procul venas rimata sequaces abdita pallentis fodit solertia Bessi, Te Vnum ille suæ Coronæ Gemmam, Te Sceptri Decus, Te Regiæ Fortunæ Cimmeliū pluris fecit; non nescius: quod præter fidissimum Amicum, qualis Tu fueras Poloniarum Throno, nec divitis terræ census, nec spumantis Pactoli fluctus prosperitatis lancem prægravant. Et meritò quidem tanti valoris extitisti ANTISTES ILLVSTRISIME, ut congestæ latifundiorum opes in comparatione Tuæ Virtutis Dominatori Lechico abiectæ fuerint, qui nullum non movisti lapidem ad pretium Tui comparandum. Potuit interdum armata famulantium cohors somnolentas in Regis obsequio numerare horas, potuit retrahere pedem, atq; animi propensionem ab Augusto latere personata Amicorum frequentia; Te verò nunquam vel pigritantē in officiosis operibus, vel absentem à Serenissima præsentia, & dies plurimorum negotiorum portitor, & nox alias studiosa silentij, Tuæ nihilominus quietis impatiēs observavit: Nimis extensum foret, æquè singula Tuæ Indolis Regium amorem provocantis ac provocati in Te amoris elucidare documenta; obrueretur tam ingenti facinorum mole impotens panegyris, si hanc attingere præsumeret, nedum supportare. Clarius est meridiano lumine, quàm æviternum Tu cum Principe, & Princeps Tecum fædus iniit, Vterq; certastis invicem, Tu factis, Ille affectibus; Tu moribus, Ille amoribus: Sed non superstitē tantum Serenissimo IOANNE III. pronus in Majestatem vigor, è vivis etiam sublato vividum exhibuisti obsequium. Lymphatæ mortis turbo cum primū extinxit amænum Regni Iubar, jam protinus illa erraticorum siderum phalanx, quæ assveta mutare locum, defecerat, jam ille amicorum candor, qui fingere gaudet promptitudinem; in vanum abierat, Tu nisi ANTISTES ILLVSTRISIME sic indeficiens, & immobilis stetisti in obsequio  
amo-



amoris proposito, ut usq; ad mortalitatis Domum deduxeris  
Coronati exuvias Principis. Magis tunc revelata in lucem Tua  
merita, dum Regios luxisti manes, & illætabile lethi theatrum,  
non lætus, quia non ficcis oculis respexisti. Funebrales umbræ  
nequidquam Tuos obscurant pænè excessivos pietatis actus; ipsū  
sepulchrale marmor præter Nomen Inviçtissimi IOANNIS III.  
& Titulos, quos Regiæ Virtutes impresserant, Te perseverantē  
subscribit Cultorem Majestatis. Despexisti quietem omnē post-  
quàm fatali ictu peremptus Princeps decubuit, nimirum sollici-  
tus quotidie instaurare parentalia, ut illi multifariā voce cujus-  
libet conditionis populus Requiem æternam acclamaret. Nul-  
lum non egisti diem Cinerum donec Augustis cineribus solen-  
ne officium fuisset persolutum, nempe demortui Regis memo-  
riam cunctis suggerens, ut quantocyus ejus anima ad Domini-  
cam Lætare perveniret. Tam impendiosis pro altera felici-  
tate Regnantis intentus laboribus, nec Domum Regiam lon-  
go passus es tabescere mærore. Anxia supra modum ex occa-  
su Nominatissimi sui Capitis Serenissima MARIA CASIMIRA,  
jam lachrymis, quibus rigaret genas, destituta; jam plan-  
ctibus, quibus aurās compleret, enervata conceperat vitæ odium  
suoq; IOANNI similis esse optaverat, si Tua minimè accelerassēt  
solatia, quæ leniverunt dolorem, sedaruut gemitum, & lamentis  
silentium indixerunt. Lectissimus Filiorum Ternio: pignora in-  
quam Potentissimo Genitore orbata, quantos inter se gemina-  
bant luctus; hinc Paternarum quondam Virtutum Comes Sere-  
nissimus Princeps IACOBVS, hinc ALEXANDER, hinc CON-  
STANTINVS, uterq; Magnus rerum gerendarum præfagio fle-  
bilem eviscerabant nāniam, ut planè supremus languor teneros  
artus invaserit, Tuo tamen conamine alleviamentum factum  
doloris, ac post lachrymarum procellas paulò tersior in  
animis Principum exorta malacia. Sic firma connexio ste-  
tit Wyżyccianæ CRVCIS cum Gentilitio Serenissimorum  
SOBIESCIORVM Vmbone, non illam potuit dura laborum  
antiquare protervia, non quodvis periculorum agmen dirimere,  
non demum Fortunæ fatiq; disternare malesuada temeritas.  
Sanè prægrandis hæc Tuarum laudum materies litasse Sceptris su-  
dorem, etiam quæcunq; alia si defuerint Virtutum specimina,  
fatis copiosâ dignus es Panegyri, dignus sæcundo plausu. Atqui



**AVGVSTVS SECVNDVS** bis Serenissimus, Electorali nimirum,  
& Regio decorus gestamine, non minor causa Tuæ gloriæ. Re-  
ticiverat Ille nondum Lechici Regni Candidatus, Te semel Ami-  
cum Majestatis semper manere stabilem, dum in assumendo Re-  
ge, plurimis Domum Regiam idoneam Sceptro probasti argu-  
mentis, tunc enim oracula eloquio crevere Tuo, nec dignius  
unquam Majestas meminit sese Romana locutam proinde totū  
in Te convertit animum, quo Tuum affectum obligaret. Vsq;  
adeo vectigalis Tibi felicitas: aliquos tantum lunato pede vix  
Regum atria adire finit, Te vero præter morem Potestatibus ex-  
hibet venerandum. Vltro se Tuo insinuant pectori Regales Tra-  
beæ, solusq; meta Coronatarum mentium destinatis, cum non ne-  
sciant Te talem esse Serenissimæ Majestati, ut omnem prosperita-  
tis radium facile posthabeas. Silemus multâ pro Augusto par-  
ta facinora; nam neq; Oratorum fontes exilibus audent diffundi  
ostijs, nec umbrosus Helicon attenuatis sonare vocibus, quate-  
nus proprium quarto modo sumptum explicare possit, quod scili-  
cet Tibi uni, soli, & semper cum Serenissima Majestate conveni-  
at, Aderit illa ætas albo notanda calculo, quæ Scholarum Pi-  
arum Eloquentiam non pro tempore Tuo militantem Nomini,  
et si imparem tanto oneri tandem ad profusorem stimulabit sty-  
lum; nunc Te **REVERENDISSIMVM ANTISTITEM, IL-  
LUSTRISSIMVM SENATOREM, EXCELLENTISSIMVM  
CIVEM** humilis penna solum annotat, simulq; hæc apprecatio-  
ne Præfuleas plantas adornat: Tibi perenni marmore durior non  
pænitendis fama coloribus assurgat, & geminos Tibi sacret axes;  
deniq; sicut Regios Penates præclaris implēsti sudoribus, sic Tuis  
imple Meritis Solis utramq; domum.





# H O N O R A R C A N O R V M R E G N I A R B I T E R

à  
S E R E N I S S I M A M A I E S T A T E .

**N**on parva Cœli gratia, Numinum  
Accline pectus, par favor, optima

Idea sortis si sciamus

Principibus placuisse sceptris.

Non v̄sitata portio gloria

Regum serena lumine palpebram

Nutrire tutam, nec videre

Grandipluos aliquando soles.

Rarò supremi fulminibus foves

Non terruerunt, quiq̃, calentibus

Nimbis clientes recreabant,

Irriguos reserando fontes

De liberali vortice, postea

( Cœu nube tectus post iubar aureum

Fervet trisulco Phabus igne )

Grandineo subito fragore

Mirantur imbres. Rarus Ephastion

Ad ipsa demum funera, Regij

Constanter & tractu fideli

Cui pateat penetrals cordis.

Wyzyciano nonnisi Nomini,

Fortuna tanti prodiga muneris,

Ut se Dynastarum favori

Tam stabili sinuasset alâ.

De mortuali Tertius erigit

Caput Joannes assero, fert adhuc

Accline pectus, quod superstes

In facili Tibi cessit arte:



Non ipsa tantum limina Curia *Tibi patebant, ut velut arbor*  
 Rerum, propinquasses profundis  
 Consilij NICOLAE, charus  
 Gratusq; tanti Principis *Aulicus;*  
 Sed imperantis pectoris insuper  
 Conclave secretum triumpho  
 Egregio Tibi subjugasti,  
 Ut Te Macedo Lechicus alterum  
 Ephastionem cordis *& oedum*  
 Regalium raro favore  
 Participem sibi destinaret.  
 Nec ista miror, quid stupeam? satis  
 Magnos amores si Tibi contulit  
 Dynasta Magnus, cum fidei  
 Obsequio Tibi tanta nostri  
 Enundinari; cum vigor ingenij,  
 Doctrina, blando suavis amantitas  
 Vultu renidens; *& modesta*  
 Dexteritas gravitate pollens,  
 Multaq; dotes concilient Tibi  
 Fastigiati cordis amabiles  
 Regum fauores, deq; Sceptris  
 Te doceant bene promereri.  
 Quid nā IOANNES pectoris intima  
 Pandisset ultro quem sibi sciverat  
 Ad terminalem mortis ictum  
 Obsequijs fore promptiorem  
 Tales libenter palpebra Principum  
 Videt Ministros: talibus aurei  
 Sinum favoris pandit, aquā  
 Pro meritis venerando merce,  
 Abbaciales hāc Tibi contulit  
 Fasces IOANNES, hāc dedit Insulam  
 AUGUSTVS, *& longē fauentia*  
 Plura dabit dominatus aule.





